

古蹟名勝志卷六

古蹟者能增人考據之知識名勝者能引人游覽之興趣有益於人不爲不多矣豐邑之地古爲肅慎之國迄於今日其年限殆不可考惟古蹟與名勝則愈久而愈多或出自天然或創自人工均有可記載而不可湮沒者在焉於是述古蹟名勝志第六

古蹟

古 墓 本縣城內由大什字街迤北直至北山下爲一起伏不平之高岡東自東大營西至西門裏綿亘約四五里此高地之下有古墓甚多不知爲何代所遺凡建築房屋者挖掘地基每發現墓道朱棺骨骼之類北山下藏石棺更夥有城內謝姓修房於

西豐縣志

卷六

古蹟名勝

一

西豐國興印刷局校印

五六尺地層下得骨骸一具其胛骨長過今人之身高者甚多按西豐自明末以迄開放凡三百年向無居人此等古墓殊難考其時代如詳加搜掘求得碑誌之類於東北各縣之歷史當開一紀元也

神 樹 在六區神樹村清初時即爲老樹及民國時仍葱蔚如故樹下有一石碑土人相傳謂清乾隆帝行幸樹下侍臣奏稱昔有採葎人曰班大媽法者因凍餓之極死於樹下其神最靈凡入山迷路者祝之即可得路遂飭令奉天將軍兼府尹札特布爲之立廟遂建此碑並石棹石供器等物碑文係滿漢合璧據識滿文者云班大媽即碑面之譯音乃圍頭之意蓋行獵自此開始也

二說未知孰是姑並存之張民政使有咏神樹詩詳在藝文卷中
馬神廟 在二區大營村東山上有石碑三係清道光同治年
立
山城石門 在四區城子山上有城周一里止一門門內有半截
塔遺址查盛京通志有半截塔山注在吉林城西南五百里在葉
赫城上故名通志又載有哈達新城注吉林城南五百三十里在
伊徹峰上有城周一里初哈達貝勒自開原境內舊城遷居於此
故名新城與半截堵山是一是二未敢確定若以吉林至城子山
里數及塔址考之城子山應係半截塔山其城其門頗類似焉非
哈達新城也

西豐縣志

卷六

古蹟名勝

二

西豐國興印刷局校印

老荒營 在三區平山村之土口子清撥台兵守邊所駐之營
今遺址尙存境內營址除此外尙多如大營雙城子皆是

古壕 深五丈寬二丈餘北自吉林界起經六區之石廟成
平銅台三村至開原止其形如長蛇越嶺踰山毫無阻斷即柳條
邊是也惟柳樹現已無存

妖精泡 在五區松樹村詳見湖沼條中

松樹咀 西流水地方周數百里全無松樹惟六區松樹咀山
於峰連岫斷處有老松數株直立於亂山怪石中枝屈根盤交柯
聳翠春夏之際已著奇觀一至嚴寒漫山白雪而數株老樹立於
其間其景象更足多焉

石 廟 六區石廟村有大山土人呼之爲大砬子高五十餘丈登臨其上可望開原城於隱約中山腰立一巨石其形如廟因以名村

仙人洞 在二區大營村之迎春山前黑暗無底莫敢深入有進而探之者入洞三五步即必折轉旁行再行三五步即有冷氣徹骨不敢復前因不得洞中真相山脊有一方八尺廟與洞相對石 人 二區石人溝口有一石人身高六尺許旁有石猪石羊各一衣冠均係古制疑爲古墓今無可考但傳其溝曰石人溝名其村曰石人村而已民國二十年春將石人移於城內公園先是頭已墮地今補綴之以壯觀瞻兼供考古家之研究焉

西豐縣志

卷六

古蹟名勝

三

西豐國興印刷局校印

黃柏榆 柏樹榆樹合生一株於柏榆村中部相傳未開闢之先蓀人獵戶即有見此樹者至今日枝幹猶不枯朽云

老龍灘 吉祥村有山音哈達山山巔出一暖泉水深闊北流源源不絕隆冬不凍每值早年鄉人祈雨無不應者土人咸謂之有龍故名其灘云

石 虎 平山村石虎洞處四外無石惟南山麓有巨石一縱橫各一丈五尺鑿成八角形每角浮置帶蓋石盒一每盒能有三斗容量石之中間鑿一臥虎身長八尺許因與石相連故不能動石盒皆被近村居民遷去今按戶查視僅存其一二焉

石 湖 長柳村南山麓下怪石嵯峨高起八九尺頂上頗平

坦中有泉極旺旱久不涸冬亦不凍終歲長流因以湖名
黃酒館 樺樹村平地湧一甘泉味如甜酒冬亦不凍因以爲
名
連理榆 世道村有二榆對生相距丈餘及樹愈長而相距愈
近今已接成一樹枝幹交合周三四圍李長庚所咏之連理枝乃
於此見之

名勝

猴石 在城外北大街山麓之下石蒼黑色巖然矗立自基
至巔凸凹不一痕如斧鑿基徑不過丈餘而高則五之近視則一
巨石而已若自南山遠望則宛然一猴蹲踞於山下石前砌一平

台登台俯視煙火萬家市廛林立儼若一幅畫圖台上可容百人
左右建大仙堂各一間仙頗靈應所有匾額多掛於山邊石罅間
台下火神廟祠宇尙宏壯每月朔望以及歲時佛誕等日香煙繚
繞上接雲霄游人麇集頗稱其盛云

公園 在城內東南隅民國十三年建地基共六十餘畝四
周砌以短垣護以榆柳木橋通焉中置茅亭六座爲游人休息之
地紅亭一座爲罩馮公之德政碑設焉又有蕭吳二公德政碑分
立左右自碑亭以南區爲公衆之運動場而一切慶祝典禮均集
會於此餘則徧蒔花木每逢春夏花木齊開綠女紅男時來游歷
登亭遠望頗愜心懷城市山林別饒雅趣避塵囂者舍此而別無

佳境也

元寶山 在二區更刻村界內距城十里山不大而形渾圓四面高峰廻合勢若朝拱蓋羣山大小皆以此爲尊焉村人常以之卜雨無不驗者當夏秋之交每見峰頭蒸雲蔚起濃若炊煙白如擗絮雖烈日當空亦必有沛然之雨劉禹錫有云山不在高有仙則名者非歟

戲樓山 在二區更刻村中距縣東南十二里居亂山中山之基址係一大土邱邊面平坦有似房屋之基礎者上則四壁峭立高數十丈巔頂漸扁兩面坡斜中脊突起形同瓦屋遠望若戲樓然故名

西豐縣志

卷六

古蹟名勝

五

西豐國興印刷局校印

半壁峯 在二區更刻村西南距城正南約七里餘其山西南陡削如高牆危立雖捷如猿獠亦難攀登每屆春秋佳日各校旅行多在於此從峯之東面坦處造其極巔全城景象盡在眼底則胸襟豁然開朗矣誠邑中一大名勝也

西豐八景

神樹清碑 城山玉壘 滄河秋月 猴石春陰 巖松晚秀

青甸石人 荒汀漁火 駝峯飲澗

以上八景皆有出處詳見藝文編中巢松亭所咏八景詩內